



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«ՀՀ» Հուլիս 2023թ.

ք. Երևան, Ս. Դավթի 87Ա

ՈՐՈՇՈՒՄ N 304-1-Ա ՎԱՐՉԱԿԱՆ ԱԿՏՆ ԱՆՎԱԿԵՐ ՃԱՆԱԶԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Կարինե Խաչիկի Համբարձումյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 208/2021/ԿՈՒՎ4/Ն տեղեկանքի ֆիզիկական անձ Կարինե Խաչիկի Համբարձումյանի (Հասցե՝ ք.Երևան Քաջազնունու փ.62. 8 բն. ՀՎՀՀ՝ 30414136, անձնագիր՝ AB0555893) չկատարված հարկային պարտավորությունը 08.02.2021թ. դրությամբ կազմել է 2.818.232 դրամ, որից հարկ՝ 2.027.214 դրամ, տույժ՝ 791.018 դրամ, որը հաշվարկվել է ֆիզիկական անձի կողմից ք.Երևան Տիգրան Մեծի պ. 102. 34 տարածք հասցեում գտնվող անշարժ գույքը 30.05.2018 թվականի ընթացքում օտարելու արդյունքում՝ ՀՀ հարկային օրենսգրքի (այսուհետ՝ Օրենսգրք) 147-րդ հոդվածի 1-ին մասի 16-րդ կետի «բ» ենթակետով սահմանված կարգով:

Վերոնշյալ պարտավորությունը գանձելու վերաբերյալ 03.03.2021 թվականին կայացվել է թիվ 304-Ա որոշումը:

Հաշվի առնելով այն հանգամանքը, որ ֆիզիկական անձ Կարինե Խաչիկի Համբարձումյանը մահացել է 12.10.2018 թվականին, իսկ ՀՏ և ՌՎ վարչությունից ստացված թիվ Ն/71-4/138208-2023 գրության համաձայն նոտարների կողմից հարկային մարմին չի ներկայացվել ձեռնարկատիրական գործունեության առարկա հանդիսացող՝ ժառանգված գույքի և ժառանգի կողմից հարկային պարտավորությունները ստանձնելու մասով տեղեկատվություն, ուստի առկա են բավարար հիմքեր թիվ 208/2021/ԿՈՒՎ4/Ն տեղեկանքի հիման վրա կայացված թիվ 304-Ա որոշումն անվավեր ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «բ» կետով և 65-րդ հոդվածով՝

ՈՐՈՇԵՑԻ

Ֆիզիկական անձ Կարինե Խաչիկի Համբարձումյանի վերաբերյալ ՀՀ ՊԵԿ իրավաբանական վարչության պետի կողմից 03.03.2021 թ. կայացված թիվ 304-Ա որոշումը ճանաչել անվավեր:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կատարող՝
Իրավաբանական վարչության հարկային գանձման և
պարտավորությունների կատարման ապահովման բաժին
Արեգա Պարսեղյան
հեռ.՝ 010-309-191 (9136)



ԱՐՄԱՆ ՄՆԱՑԱԿԱՆՅԱՆ